

5  
DE ORIGINE  
ET VETUSTATE  
CIVITATIS BONONIÆ

Priscæ Regum Etruscorum  
Sedis.

CHRONOLOGICA DISQUISITIO

VALERII FELICIS AZZOGUIDI

BONONIENSIS

*Illustrissimæ, & Excelsæ*

VEXILLIFERO JUSTITIÆ, ANTIANIS,  
AC SENATORIBUS CIVITATIS,  
POPULI, ET COMMUNIS BONONIÆ

D I C A T A



BONONIÆ, M. DCC. XVI.

---

Typis Julii Rossi, & Socci. ad Vexillum Rosæ.

*Superiorum permissu.*

# THE WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

OF THE

WEST DOMINION

3

# ILLUSTRISSIMI, ET EXCELSI DOMINI.



*Uòd præ ceteris sibi conjunctis carior Patria sit habenda, erga quam quisque debet benevolam quamcumque præbere actionem, et quæ mansura, et duratura, et non quæ evanescentem memoriam excitent tribuenda sint, Doctissimi Senecæ fuit sententia. Mihi autem (cum per otium licuit) aliquando cogitanti Historicos, qui hucusque de ORIGINE Patriæ meæ*  
A 2                      disse-

*differuerunt, illam aut non attigisse, aut in tenebrosa suæ VETUSTATIS caligine dereliquisse, Visum est benemeritæ Patriæ nativitatē illustrare, eamque ad certum, et incontrovertibile tempus producere hoc rudi, ac brevi Commentario, ex tenuissima ingenii mei penu deprompto; Quod quaecumque sit, Excelsis Dominationibus Vestris humiliter offero, atque commendo; Quo in opere licet exiguo, quantum elaborarim, quantumve industriæ, ac Studii adhibuerim, præsertim in efformando Seculorum calculo à Sacra Scriptura decerpto, aliorum malo esse iudicium. Vobis igitur amantissimis Patriæ Patribus jure hic Libellus nuncupari debet, qui in administranda hujusmodi Republica, prudentia, consilio, magnanimitate,*

te, ac liberalitate, cunctis generis laudis, tum apud Sanctam Sedem Apostolicam, tum per universam Italiam semper digni habiti estis. Vestram itaque Clementiam obsecro, et obtestor, ut non exiguitatem, et imbecillitatem scripti Libelli, sed propensum, ac filialem scribentis affectum intueri dignemini, memores Chrysippi Sententiæ dicentis: Beneficia beneficiis vincenda esse, exiguumque libenter tribuere Regum opes animo æquari.

*Excelsarum DD. VV.*

Bononiæ à Christo nato Secul. xvi i. Lustr. duobus, ac Trieteride.

*Humillimus Deditissimus, & Obsequentissimus  
Valerius Felix Azzoguidi.*

De





## De Origine, & Vetustate Civitatis Bononiæ.



**B**isi à pluribus gravissimis Viris De  
ORIGINE, & STATU ANTIQUO  
Civitatis BONONIÆ, in Italia lucu-  
lenter dissertum fuerit, & præ ceteris,  
à Reverendissimo Joanne Baptista  
Aguccio Amasii Archiepiscopo in  
ejus Epistola Canonico Bartholomæo  
Dulcini Historico directa, ambobus  
Concivibus meis perenni laude di-

gnissimis; Nihilominus, quia experientia compertum est,  
nil stabile sub Sole, ac omnia VETUSTATIS caligine  
obliterari, nonnulla pauca ex ipso Aguccio, ac Be-  
nedicto Morando Oratore facundissimo, etiam Conci-  
ve meo, & ab aliis antiquis, & modernis eruditis Au-  
thoribus in Compendium perstrinxi, & Posterorum  
memoriæ tradere decrevi, solius studii mei erga Pa-  
triam,

triam, & Patriz Patres Argumento, non ignorans, me nihil Gloriz, majorisve decoris ipsi Patriz allaturum fore, sed tantummodò, ut brevissimo eloquio Antiquitatis, ac Nobilitatis hujus Regiæ Civitatis, perenniter elucescat, & servetur hoc, licet exiguum Monumentum.

Quia verò de hujusmodi ANTIQUITATE hucusque incerta differendum est, operæ pretium erit à Seculis incohare, & Mundi Ætates præmittere, ut descendendo ad expositionem Rerum gestarum, Antiquitas ipsa certior fiat, ac magis clarescat.

**Æ**Tates Mundi sunt Sex, quæ ad similitudinem Ætatum Hominum accipiuntur, & à Diversis diversimodè assignantur.

Prima Ætas incipit à creatione Mundi, & duravit usque ad Diluvium Universale, habuitque annos 1656.

Secunda ortum habuit à Diluvio, & duravit usque ad nativitatem Abraham, & habuit annos 290.

Tertia Ætas orta est à nativitate Abraham, & duravit usque ad initium Regni David, & habuit annos 1156.

Quarta incohavit ab initio Regni David, & duravit usque ad Transmigrationem Babylonis, & habuit annos 474.

Quinta Ætas incipit à Transmigratione Babylonis, & duravit usque ad Sanctissimam Nativitatem D. N. JESU CHRISTI, & habuit annos 520.

At quia in supputatione annorum prædictarum Ætatum Scriptores sunt valdè discordes, ideo à Sac. Genesi calculus sequens desumptus fuit, modo quo infra.

Annorum 130. Adam genuit Seth, Vixitque annos

930

Annorum 105. Seth genuit Enos, vixit annos

912. quibus additis dd. annis 130. fiunt Anni

1042

quo anno d. Seth obiit, & supervixit Patri annis

112

An-

1042



9  
Anni Vitz Adam 930  
Anni superviventiz Seth 112

Annorum 90. Enos genuit Cainam, vixit annos  
905. quibus additis dd. annis 130., & 105. fiunt anni 1140  
quo anno d. Enos obiit, & supervixit Patri annis 98

---

1140

Annorum 70. Cainam genuit Malael, vixit an-  
nos 910. quibus additis dd. annis 130. 105., & 90.  
fiunt anni 1235  
quo anno obiit ipse Cainam, & supervixit Patri an. 95

---

1235

Annorum 65. Malael genuit Jared, vixit annos  
895. quibus additis dd. annis 130. 105. 90., & 70.  
fiunt anni 1290  
quo anno ipse Malael obiit, & supervixit Patri an. 55

---

1290

Annorum 162. Jared genuit Henoch, vixit annos  
962. quibus additis dd. annis 130. 105. 90. 70., &  
65. fiunt anni 1422  
quo anno ipse Jared obiit, & supervixit Patri annis 132

---

1422

Annorum 65. Henoch genuit Mathusalem, vixit  
an. 365. quibus additis dd. annis 130. 105. 90. 70.  
65., & 162. fiunt anni 987  
quo anno ipse Henoch ab hoc mundo sublatuſ est.

Annorum 187. Mathusalem genuit Lamech,  
vixit annos 969. quibus additis dd. annis 130. 105.  
90. 70. 65. 162., & 65. fiunt anni 1656  
quo anno ipse Mathusalem obiit, & supervixit Avo an. 234

---

1656

B

An. 1656

Annus quo obiit Mathusalem 1656

Annorum 182. Lamech genuit Noe, vixit annos  
777. quibus additis dd. annis 130. 105. 90. 70. 65.  
162. 65., & 187. fiunt anni  
quo anno ipse Lamech obiit.

1651

Annorum 500. Noe genuit Sem, vixit annos  
950. quibus additis dd. annis 130. 105. 90. 70. 65.  
162. 65. 187., & 182. fiunt anni  
quo anno ipse Noe obiit, supervixit Avo annis

2006

350

2006

Annorum 100. Sem genuit Arphaxad, vixit an-  
nos 600. quibus additis dictis annis 130. 105. 90.  
70. 65. 162. 65. 187. 182., & 500. fiunt anni  
quo anno ipse Sem obiit, supervixit Patri an.

2156

150

2156

Annorum 35. Arphaxad genuit Sale, vixit an-  
nos 438. quibus additis dictis annis 130. 105. 90. 70.  
65. 162. 65. 187. 182. 500., & 100. fiunt anni  
quo anno ipse Arphaxad obiit.

2094

Annorum 30. Sale genuit Heber, vixit annos  
433. quibus additis dictis annis 130. 105. 90. 70. 65.  
162. 65. 187. 182. 500. 100., & 35. fiunt anni  
quo anno ipse Sale obiit.

2124

Annorum 34. Heber genuit Phalegh vixit an-  
nos 464. quibus additis dictis annis 130. 105. 90.  
70. 65. 162. 65. 187. 182. 500. 100. 35. & 30. fiunt an.  
quo anno ipse Heber obiit, supervixit post Sem an.

2185

29

2185

Annorum 30. Phalegh genuit Reu, vixit annos  
239. quibus additis d. annis 130. 105. 90. 70. 65.  
162. 65. 187. 182. 500. 100. 35. 30., & 34. fiunt an.  
quo anno ipse Phalegh obiit.

1994

An-

Annus quo obiit Heber 2185

Annorum 32. Reu genuit Sarugh, vixit annos  
239. quibus additis dictis annis 130. 105. 90. 70.  
65. 162. 65. 187. 182. 500. 100. 35. 30. 34., & 30.  
fiunt anni

2024

quo anno ipse Reu obiit.

Annorum 30. Sarugh genuit Nachor, vixit an-  
nos 230. quibus additis dictis annis 130. 105. 90. 70.  
65. 162. 65. 187. 182. 500. 100. 35. 30. 34. 30., &  
32. fiunt anni

2047

quo anno ipse Sarugh obiit.

Annorum 29. Nachor genuit Thare, vixit annos  
148. quibus additis dictis annis 130. 105. 90. 70. 65.  
162. 65. 187. 182. 500. 100. 35. 30. 34. 30. 32., &  
30. fiunt anni

1995

quo anno ipse Nachor obiit.

Annorum 70. Thare genuit Abraham, vixit an-  
nos 205. quibus additis dictis annis 130. 105. 90. 70.  
65. 162. 65. 187. 182. 500. 100. 35. 30. 34. 30. 32.  
30., & 29. fiunt anni

2081

quo anno ipse Thare obiit.

Annorum 100. Abraham genuit Isaac, vixit ann.  
175. quibus additis dictis annis 130. 105. 90. 70. 65.  
162. 65. 187. 182. 500. 100. 35. 30. 34. 30. 32. 30.  
29., & 70. fiunt anni

2121

quo anno ipse Abraham obiit.

Annorum 60. Isaac genuit Jacob, vixit ann. 180.  
quibus additis d. an. 130. 105. 90. 70. 65. 162. 65. 187.  
182. 500. 100. 35. 30. 34. 30. 32. 30. 29. 70., &  
100. fiunt anni

2216

quo anno ipse Isaac obiit, supervixit post Heber an.

41

2226

Annorum Jacob genuit Ruben, vixit an-

B 2

147.

Annus quo obiit Isaac 2226

nos 147. quibus additis dictis annis 130. 105. 90.

70. 65. 162. 65. 187. 182. 500. 100. 35. 30. 34. 30.

32. 30. 29. 70. 100., &amp; 60. fiunt anni

2253

quo anno ipse Jacob obiit, &amp; supervixit Patrian.

27

2253

Ex quo calculo evidenter resultat certa, & indubia  
supputatio annorum, nedum Primæ, & Secundæ Ætatis  
Mundi, verum etiam usque ad annum Mundi 2253. ut ex  
perientia ejusdem calculi clarè demonstrat.

Cum igitur Thare obierit anno Mundi 2081. & anno 70.  
sux ætatis genuerit Abraham, idè demptis à d. annis 2081.  
annis 135. in quibus ipse Thare, postquam genuit Abraham  
supervixit, sequitur quòd Abraham ortum habuerit anno  
Mundi 1946. & ita resultat, Primam Ætatem usque ad Dilu-  
vium continere annos 1656. & Secundam, usque ad Nativi-  
tatem Abrahæ continere annos 290.

In supputatione verò annorum Tertiz, Quartæ, &  
Quintæ Ætatis calculati sunt anni 720. à Nativitatæ Abra-  
hæ, usque ad exitum Israelis de Ægypto; Jacob enim obiit  
anno Mundi 2253. quibus adduntur anni 413. in quibus  
post ejus mortem, Israel moratus est in Ægypto, & constitu-  
untur anni 2666. nam Abraham ortum habuit anno Mundi  
1946. quibus additis dictis annis 720. fiunt anni 2666. insu-  
per calculati sunt anni 436. decursi ab egressu Israelis  
de Ægypto usque ad initium Regni David, ut patet in libro  
tertio Regum cap. 6. ibi -- *Factum est ergo quadringentesi-  
mo octogesimo anno egressionis filiorum Israel de Terra  
Ægypti in anno 4. Regni Salomonis* -- detrahendo nempe  
annos 40. Regni David, & quatuor Salomonis, dictisque  
annis 436. additis dictis annis 720. compertum est effluxos  
fuisse annos 1156. qui Tertiam Ætatem constituunt.

Similiter calculati sunt anni Regni David, & aliorum

Re-

Regum in Judæ Regno successorum usque, ad Transmigrationem Babylonis, & compertum fuit effluxos fuisse annos 474. qui constituunt Quartam Ætatem.

A Transmigratione demum Babylonis, usque ad Nativitatem Sanctissimam Domini Nostri JESU CHRISTI, calculati sunt anni 70. servitutis Babylonicz, quæ finem habuit anno vigesimo Regni Artaxerxis, qui concessit Nehemiz facultatem reedificandi Hierusalem auctoritate Prophetiz Danielis cap. 9. ibi -- *Scito ergo, & animadvertite ab exitu sermonis, ut iterum Edificetur Hierusalem, & quodd. anni 70. calculandi sint à captivitate Sedeciz, compertum est in lib. 4. Regum cap. 25., & in Jeremia cap. 52. Calculati quoque sunt anni Hebdomadum 69. de quibus in Daniele Propheta, præsupponendo quamlibet hebdomadem continere annos septem, detractisque à dd. 69. hebdomadibus, hebdomadibus quatuor, & annis quinque, in quibus vixit Sanctiss. REDEMPTOR Noster, & sic calculatis tantum hebdomadibus 64., & annis duobus constituentibus annos 450., & supra dictis annis omnibus simul congestis, compertum est effluxos fuisse annos 520. qui Mundi Quintam constituunt Ætatem; unde à creatione Mundi, usque ad Sanctissimam Nativitatem D.N. JESU CHRISTI, fluxerunt anni 4096. juxta calculum præmissum.*

## PRIMA ÆTAS

*Continens Annos 1656. cujus Princeps fuit Adam.*

**I**N Prima Ætate Adam vixit undequaque sanctus, & poenitentiam fecit diuturnam, filiisque, ac liberis suis præcepta Justitiæ dedit, & postquam à Cain Primogenito suo commissum fuit Fratricidium Abelis sui Secundogeniti, præcepit Seth ejus filio Tertio genito, & filiis ejus, ut à consortio Cain, & filiorum ejus se abstinerent, neque cum eis matrimonia jungerent; qui Cain, post delictum perpetratum, construxit Civitatem, quam ex nomine filii sui Henoch, vocavit Henochiam, deinde à Lamech ejus Abnepote, involuntariè tamen, occisus fuit, quia *per qua quis peccat, per hæc, & punitur*; Et ex dicto Lamech primo, Bigamiæ autore nati fuere quatuor filii ex duabus Uxoribus, & sic adulterini, nempe tres masculi, Jabel, Jubal, & Tubalcain, & una femina nomine Noema, qui filii, cum subtilioris ingenii præ aliis fuerint, adinvenerunt omnes Artes mechanicas. Jabel enim invenit Tentoria, & Portatoria Pastorum. Jubal Musicam, Citharam, & Organum; Tubalcain opus Fabri in omni opere æris, & ferri, ac artem sculpendi, & Noema artem texture Lanæ, & Lini pro usu induendi homines, qui usque ad illud tempus Bestiarum pellibus pro Vestibus utebantur; De Cain itaque, & Abel S. Augustinus in lib. 14. de Civitate Dei scriptum reliquit.

*Amores duo fecerunt Civitates duas, Terrenam Amor sui usque ad contemptum Dei. Cælestem Amor Dei usque ad contemptum sui. Prima in se ipsa. Secunda in Domino gloriatur. Cain pertinet ad Primam, qui primò natus est, & amore sui, & suorum Civitatem in terris condidit. Abel autem ad Secundam pertinet, qui secundò natus est, & tamquam*

*quam peregrinus, & innocens in terris conversatus est, ac amore Dei passus est per manum Fratris occidi. Unde cum fuerit primus Martyr, Civitatem Caelestem incolavit, cujus ipse fuit primus Civis, quia Justus fuit.*

A' Seth Tertiogenito Adæ ortum habuit Enos, qui cepit invocare nomen Domini, & à Jared Pronepote ipsius Seth natus fuit Henoch, qui cum placuerit Domino, propter ejus sanctitatem anno 365. suæ ætatis, & à creatione Mundi 987. translatus fuit in Paradisum, ubi vivit in magna Corporis, & Spiritus tranquillitate, usque ad Antichristi adventum, qui Henoch, ut testatur Judas Apostolus in ejus Epistola catholica, prophetavit, & scriptum reliquit, *Ecce venit Dominus in sanctis millibus suis facere Judicium contra omnes Impios de omnibus operibus impietatis eorum, quibus impiè egerunt, & de omnibus duris, quæ locuti sunt contra Deum Peccatores impii.*

A' Lamech istius Sancti Henoch Nepote ortum habuit Noe similiter Vir sanctus, qui cum invenerit gratiam apud Deum unà cum Uxore, & filiis suis Sem, Cham, & Japhet, & Uxoribus eorum, præservatus fuit ab Universali Diluvio.

Nam cum filii, & descendentes Seth immemores præcepti primi Parentis, se conjunxerint cum filiabus, & descendantibus Cain, & hinc tota cogitatio cordis eorum omni tempore intenta esset ad malum, Dominus Deus aquarum universali Diluvio anno Mundi 1656. extinxit totum Genus humanum, & omnia animantia, præter Noe, & Uxorem ejus, tres eorum filios, Uxoresque ipsorum, & animantia secum in Arca introducta.

## SECUNDA ÆTAS

*Continens annos 290. ejus Princeps fuit Noe, quæ finem habuit Anno 1946.*

**O**btinuerunt Aquæ Diluvii universum Orbem terrarum centum quinquaginta diebus, & quindecim cubitis altior fuit Aqua super Montes, quos operuerat, & sic deletæ fuerunt omnes Animæ viventes, præter Noe, & eos, qui cum eo fuerunt in Arca præservati. Quingentorum annorum erat Noe, cum Arcam jussu Domini construere cœpit, quam centum annorum spatio complevit, & anno 601. suæ ætatis egressus fuit ab illa super Montes Armeniæ, ubi ipsa Arca requievit, ut patet in Sacra Genesi; & descendens in planitiem vicinam, tollensque de Pecoribus, & Volatilibus mundis, obtulit Domino holocaustum, ibique Monumentum Excidii Generis humani Posteris suis reliquit, ubi cum familia diu permansit; Sed cum quælibet Mulier in singulo partu ederet Gemellos masculum, & fœminam, tali fecunditate brevi tempore Regio illa tot habitantibus affluit, ut opus fuerit alias Sedes illis parare; Unde ipse Noe antedictis ejus Filiis, & eorum Liberis indicavit Asiam, Africam, & Evropam, quas Mundi Partes ipse jam ante Diluvium viderat, misitque Nembroth primogenitum Chus filii Cham cum Colonia in Regionem, quæ postea fuit Chaldæorum, ubi ipse Nembroth Vir robustus in campo Senaat ædificavit Turrim, ex qua postmodum fuit Babylon. Sem cum Colonia misit in Asiam, ubi ipse Sem vocatus postmodum Melchisedech, condidit Urbem Salem, quæ postea fuit Hierusalem; Japhet verò obtinuit Evropam.

Qui Japhet, sive Gomer filius ejus primogenitus, qui natus erat tempore Diluvii, sive alius ex ejusdem Japhet filiis



lis anno 100. vel circa, post Diluvium, cum liberis accessit ad Regionem primordially vocatam Janiculam, & Enotriam à Noe nuncupato Jano, & Enotrio, & demùm Italiam ab Italo Rege Etrusco; vivente enim Moyse, fit mentio Italix in Prophetia Balaam filii Beor, ut in lib. Numeri cap. 24. circa finem. Moyses verò ortum habuit anno 2586. vixit annos 120., & obdormivit in Domino anno 2706. unde infestur Italum Regem Etruscum, à quo Italia Nomen accepit, fuisse in rerum natura per plura secula ante ipsum Moysen. Nam Franciscus Sansovinus in lib. cui Titulus, *Cronologia del Mondo*, asserit, Tuscum filium Herculis regnasse in Italia. anno Mundi 2291. à quo Tusco verosimiliter Etruscorum denominatio processit, & Italum Regem successorem mediatum dicti Tusci regnasse in Italia anno 2336. at, quid quid sit, certum est, quòd illa Pars Italix, quæ primitus habitari cepit à dicto Japhet, & ejus Colonia, fuit ea, quæ est propè flumen Albulæ nunc Tyberis, ubi regnavit dictus Italus, & ubi ab Ascanio Enez Tevcri condita fuit Alba, ex qua Reges Albanorum, & ubi à Lavinia dicti Enez Uxore, & filia Regis Latini Etrusci, conditum fuit Lavinium, à quo Latinorum Regum origo processit, ubi demùm condita fuit, & nunc est alma Urbs Roma, ibique in Monte Janiculo sic dicto à Jano, scilicet Noe, communi omnium Parente constructo Pago; tota Regio subinde habitata, & repleta fuit per dicti Japhet descendentes, & per alias Colonias à Noe successivè illuc transmissas; nam, ipso Noe vivente, refert Philo historicus Hebræus, natos fuisse ex dictis tribus filiis Noe viginti quatuor mille, & centum Viros, ultra Mulieres, & parvulos habentes supra se tres Principes, scilicet Nembroth filium Chus, Jectan filium Heber, & fratrem Phaleg, & Suphene de Stirpe Japhet. Noe verò obiit anno Mundi 2006. ut supra ostensum est, & sic in principio Tertix Mundi Ætatis, scilicet annis 60. post finem Secundæ Ætatis Mundi.

C

Por-

Porro ex ipsius Noe Jani nūcupati descendētibz, qui oram Italiz coluerunt, processu temporis creverunt Populi denominati Aborigines, deinde vocati Umbri, & Etrusci, à quibus condita fuerunt plurima Oppida, & ex his duo Regna composita, Umbrorum<sup>o</sup> scilicet, & Tuscorum; inter se tamen discordia, quos Populos, Strabo, Livius, Plinius, & Halicarnasseus concorditer asserunt fuisse indígenas, & originarios Italiz, habuisse propriam Linguam, Ritus sacros, Leges, & mores nullo modo communes, aut conformes cum aliis Populis exteris; Qui Populi Umbri, & Etrusci, cum essent (ut dixi) discordes, postquam inter se, & cum Pelasgis, & Siculis, & aliis Populis exteris in Italiam accitis, & medio tempore deletis, plurima bella confecissent, tandem Etrusci prævaluerunt, & Umbros pepulerunt ab eorum Sedibus, ac trecenta illorum Oppida subegerunt, referente Livio in 5. lib. Decad. primæ, Etruscos toti Italiz dominatos esse, dicens -- *Tuscorum, ante Romanum Imperium latè terra, Marique opes patuere, Mari supero, inferoque, quibus Italia, Insula modo, cingitur, quantum potuerint, nomina sunt argumento, quod alterum Tuscum communi vocabulo Gentis, alterum Adriaticum Mare ab Adria Tuscorum Colonia vocavere Italica Gentes* -- Et inferius -- *Tanta Opibus Etruria erat, ut non Terras solum, sed Mare etiam, per totam Italię longitudinem ab Alpibus ad Fretum Siculum fama nominis sui impleteret. Quæ omnia inter dictos Umbros, & Etruscos gesta, & à Livio enarrata certò certius evenerunt in Secunda, & Tertia Mundi Ætate, per plura tamen secula ante adventum Enez in Italiam, si Dionysio, Virgilio, & Silio Italico credendum est, & ut etiam sequens facti series clarè demonstrat.*

## TERTIA ÆTAS

*Continens Annos 1156. qua finem habuit Anno 3102.  
cujus Princeps fuit Abraham.*

**I**N hac Tertia Mundi Ætate, cum Abraham eripuerit Lot de manu Ghodorlahomor, & aliorum Regum, Melchisedech Rex Salem, qui erat Sacerdos Dei Altissimi, proferens Panem, & Vinum, benedixit ei, ut in Sac. Genesi cap. 14. Iste autem Melchisedech fuit Sem filius Noe, qui ædificavit ipsam Urbem Salem. Cum vero ipse Abraham esset annorum 99. Sodoma, & Gomorra Urbes, & Univerſa illarum Regio posita in confinibus Arabiæ, & Palestiniæ, propter peccatum nefandum, sulfure, & Igne cœlesti consumptæ fuerunt anno Mundi 2045. Anno verò 2046. ipse Abraham, ex Sara Uxore sua suscepit Isaac, qui cum esset annor. 40. Uxorem accepit Rebeccam filiam Bathuelis filii Nachor fratris Abraham, ex qua Rebecca, & Isaac anno Mundi 2106. ortum habuere Jacob, & Esau. Anno verò 2236. cum fames prævaluisset in universo Orbe, præterquam in Ægypto, Jacob filius Isaac, cum esset annorum 130. cum tota ejus familia se recepit in Ægyptum, ubi Joseph filius ejus Præses erat, ibique, post annos septemdecim, occubuit anno Mundi 2253. superviventibus ex ejus femore septuaginta Viris, qui, & eorum successivè descendentes, ibidem per cursum annorum 430. habitantes aded multiplicati fuerunt, ita ut Ægyptii in suspicionem inducti, eos odio habuerint, & oppreſſerint, sed Deus Populum suum Divina Virtute, ac mirabilibus Signis, & Portentis, Moyse Propheta mediante, de Servitute, & Regno Ægyptiorum eduxit anno Mundi 2666. Sexcenta millia, quingenta, & quinquaginta Viri, ultra Mulieres, & parvulos

educti fuerunt procreati ex descendantibus dicti Jacob in decursu dictorum 430. annorum. Moyses erat annor. 80. cum Israelem de dicto Regno eduxit, & post annos 40. ad Cælum migravit anno Mundi 2706. & sic annis 700. post obitum Noe. Qualis verò, & quantæ Sanctimonix fuerit iste Moyses Vir Dei, habetur in Deuteronomio cap. 34. ubi asseveratur: *Non surrexisse ultra in Israel Prophetam sicut Moyses, quem nosset Dominus facie ad faciem, & mortuum sepelivit in Valle Terræ Moab contra Phogor, & non cognovit homo sepulcrum ejus.*

In hacigitur Tertia Ætate Anno Mundi 2637., & sic ante exitum Israelis de Ægypto, Troja, quæ annis 298. ante condita fuerat à Troide, sive Dardano Dardanix Rege, hoc tempore extitit subversa dolo Antenoris, & Eneæ, & fertur ipsum Eneam à Græcia venisse in Italiam, & in Latii, ac Latinorum Regione, unà cum Latino Etrusco filio Pici primi Laurentum Regis bellum confecisse contra Turnum Regem Rutulorum, idque evenisse annis 707. priusquam Alma Urbs Roma condita fuerit, & ante adventum D. N. JESU CHRISTI annis 1459. Occasione cujus belli constat Civitatem BONONIAM tunc FELSINAM nuncupatam Comitem fuisse dicto Eneæ in bello contra dictum Turnum ex auctoritate Silii Italici Poetæ, & Historici clarissimi, qui in lib. 9. Punicorum bellorum recenset Civitates, quæ Romanis auxilium dedere in bello contra Annibalem, inter quas enumerat BONONIAM, de qua sic meminit:

*Et quondam Tenuis Comes in Laurentia Bella  
Oeni prisca Domus, parvique Bononia Rheni.*

Demonstrat siquidem dictus Silius Civitatem Bononiæ nedum tulisse auxilium Romanis una cum aliis Civitatibus ibidem enumeratis in bello contra Annibalem  
circa

circa annum Mundi 3960. ; sed etiam annis 1300. ; & ultra ante dictum bellum punicum fuisse Comitem Teucris, scilicet Eneæ contra Turnum ; vocatque BONONIAM priscam Domum Ocnii, scilicet primam Sedem Regum Tuscorum, quia constat ante adventum Eneæ Etruscos toti Italiz dominatos fuisse, & ipsam Civitatem BONONIÆ FELSINAM denominatam esse, ac Principem Etruriz fuisse, ut de agnomine, & Principatu illius attestatur Plinius in 3. libro naturalis Historiæ, ubi describens Colonias, & Oppida Octavæ Regionis Italiz, inquit. *BONONIA FELSINA vocata, cum Princeps Etruria esset* — Quæ verba rectè constructa exprimunt ; Quodd BONONIA, cum esset Princeps Etruriz, vocabatur FELSINA.

Quodd autem dictus Ocnus fuerit Rex Tuscorum, & Mantuz Civitatem condiderit, ac illuc deduxerit Coloniam ab ipsa FELSINA ejus Sede Regali, demonstrat Virgilius Latinorum Poetarum Princeps in lib. 10. Eneidos ibi

*Necnon, & Patriis agmen ciet Ocnus ab oris  
Fatidica Mantos, & Tusci filius amnis,  
Cui muros, matrisque dedit tibi Mantua nomen  
Ipsa caput Populis Tusco de sanguines Vires.*

Et in lib. 8. dum loquitur de adventu Saturni, & aliorum in Italiam, commemorat Tybrim, & Bianorem ejus filium ibi.

*Tum Reges, asperqua immani corpore Tybris,  
A' quo post Itali flumen cognomine Tybrim  
Diximus, amisit verum Vetus Albula nomen.*

Ex quo Tybri ortum habuisse fertur ipsum Ocnum Bianorem nuncupatum, de quo Bianore ipse Virgilius meminit in Buccolicis ibi.

*Nam-*

*Namque Sepulcrum incipit apparere Bianoris.*

Et de facto nostris etiam temporibus propè hanc Civitatem, ad octavum lapidem, adest Castrum antiquitus nuncupatum *Blanoro*, nunc verò *Pianoro* situm in Via Etruriz, per quam Romam iter habetur, quod fertur constructum fuisse à dicto Ocno Tuscorum Rege, ibique pariter quemdam esse locum denominatum *il Sepolcro di Bianoro*.

Constat quoque ex dicto Livio, quòd Eneas suscepit Uxorem Laviniam filiam Latini prædicti ex Regibus Etruscis, ac se, & suos subjecerit legibus, & moribus Etruscis, & quòd dictus Ocnus Bianor nuncupatus, fuerit filius Tyberini in quinto gradu descendens à dicto Rege Latino, testantur Virgilius, & Livius lib. 1. Decad. primæ, ubi ex dicto Latino ortum habuit Alba, ex Alba Atys, ab Atys Capis, à Capi Caperus, à Capeto d. Tyberinus; Undè inferitur Silium prædictum nominando Ocnum, indicasse Genus Regum Tuscorum, non autem personam ipsius Ocni, qui distat à dicto Latino in sexto gradu, & cum idem Silius nominaverit BONONIAM priscam Domum Ocni, pro certo habetur ipsum intellexisse demonstrare illam fuisse primam Sedem Regum Etruscorum, sive Aboriginum, denominatio enim Aboriginum, Etruscorum, Umbrosum, ut patet ex dicto Livio, est Synonima.

Quòd autem dictus Latinus secundus Rex Laurentum Etruscorum fuerit in rerum natura anno prædicto 2637. elicitur ex quodam Chronico Herardi Katdolt Augustensis impresso Venetiis anno Salutis 1485. in quo Author ponit dictum Regem Latinum sub anno Mundi 3875. sed quia in supputatione annorum sequutus est 70. Interpretes, qui referunt Annos Primæ, & Secundæ Ætatis Mundi fuisse 3184. quando ex Sac. Genesi clarè constat non fore nisi

1946. ut supra ostensum est; Idèd à dictis annis 3875. detractis annis 1238. in quibus supputatio 70. Interpretum, exuberat, dignoscitur dictum Regem Latinum fuisse in rerum natura dicto anno 2637. & sic ante exitum Israelis de Ægypto; Sanfovinus etiam supra allegatus refert Evandrum Tevcrum Socium Enez in Italia extitisse anno 2638. & R.P. Jo. Baptista Ricciolus in ejus Chronologia in Catalogo 20. Regū Argivorum refert, Inachum fuisse primum Regem Argivorum, & hujusmodi Regnum durasse annos 544. & multò antiquiùs Moÿse fuisse; initiū autem hujus Regni, ex Chronologia Herardi Katdolt habetur fuisse anno Mundi 2106. quibus addendo dictos annos 544. sequitur, quòd illud finem habuerit anno 2650. unde si adventus Enez in Italiam fuit d. anno 2637. qui fuit annus tertius post excidium Trojæ, infertur quòd Troja devastata fuerit anno 2634. & ex præmissis satis comprobatum esse videtur tempus adventus d. Enez in Italiam.

Post autem obitum dicti Regis Latini, Carmentes filia dicti Evandri invenit Literas Latinas, unde Regnum, Laurentum dici cepit Regnum Latinorum, ex quo processit Latina Colonia ab Etruscis originaria BONONIAM deducta, ut infra narrabitur.

Quapropter mihi videtur constare evidenter Urbem BONONIAM dudum FELSINAM vocatam, fuisse, & esse ex primævis Oppidis post universale Diluvium per dictos Aborigines Etruscos constructis; Nam si populi Aborigines, seu Umbri, & Etrusci fuerunt indigenæ, & originarii in Italia, uti descendentes à Noe, & si ipsa FELSINA fuit Princeps, & Prima Sedes ipsorum Regum Tuscorum, quorum leges, & mores non permittebant eos habitare, nisi Oppida ab ipsismet constructa, ut dictus D. Aguccius, & Authores ab ipso citati de legibus, & usibus Tuscorum loquentes, unanimiter asserunt; & demum si ipsa FELSINA fuit

fuit Comes Tevcris in bello contra Turnum anno Mundi 2637., non est ergo ambigendum, quodd ipsa non fuerit per ipsos Aborigines Etruscos constructa post Diluvium universale saltem circa principium Tertie Mundi Ætatis, cum illa fuerit Prima Sedes, ac Princeps ipsorum Etruscorum; Primus enim dicitur, quem nullus antecedit; Id etiam suadente, nedum ipsius FELSINÆ denominatione derivante à verbo Hæbraico PHELECH Latine significante Scutum, vel Propugnaculum; Etrusci enim utebantur primævâ lingua Hæbraica; verum etiam ipsius Urbis structura crebris Porticibus, ac Turribus, undique munita Etruscorum more, illiusque Vetustatis innumerabilia argumenta, habita sunt, & habentur quotidie, cum illius Subterranea effossa sunt, & sæpe sæpius effodiuntur, in quibus antiquissimæ Civitatis vestigia quamplurima reperta fuerunt, & reperiuntur ultra pedes duos, & viginti subtus presentem superficiem, & mihi retulit Antonius Albertolius Faber murarius modò vivens, se, cum operam suam daret in fodiendis fundamentis Palatii Universitatis nuncupatæ DE STRAZZAROLI siti in Platea Portæ Ravennatis à latere versus Torrentem Apollæ, invenisse duas Portas marmoreas, valde amplas, & eleganter elaboratas in profunditate pedum viginti vel circa.

Nec referre mihi visum est assertionem dicti D. Agucii dicentis Originem FELSINÆ ante conditam Urbem esse annorum 500., advertendum enim est, quod adventus Eneæ in Italiam evenit annis 707. ante ipsam Urbem conditam, quo tempore Etrusci dominabantur toti Italiæ, & tunc FELSINA erat valdè potens ex autoritate dicti Silii dicentis, FELSINAM fuisse Comitem Tevcris, quod verbum -- *Comes* -- exprimit non leve, sed validum, & sociale auxilium, ac magis urgente eodem Silio dicente, BONONIAM fuisse priscam, idest, Primam Sedem Regum Etrusco.



scorum, qui cum per plura secula ferè continuatum egerint bellum cum Umbris eorum Æmulis, & Contribulibus, illosque demùm subegerint, ac toti Italix dominati fuerint, & dominarentur, antequam d. Eneas in Italiam accederet, & cum hæc Civitas fuerit Primum Oppidum per ipsos Etruscos constructum, & ipsi Etrusci fuerint Aborigines, & indigenæ Italix, quomodò igitur asseri potest Urbem prædictam FELSINAM constructam fuisse per solos annos 500. ante Urbem Romam? Magis ergò probabile est, quòd ipsum FELSINÆ Oppidum fuerit per dictos Etruscos constructum tempore, quo ipsi se diviserunt ab Umbris, quam divisionem rationibus præmissis, ac facti circumstantiis attentis, nequit præsumi, nisi in principio Tertix Mundi Ætatis, & sic annis 290. post Diluvium; occasione enim talis Divisionis probabile est, quòd Etrusci ad tuendam eorum Provinciam, construxerint dictum Oppidum, illudque Scutum, seu Propugnaculum denominaverint; unde Origo hujus Urbis FELSINÆ ab initio Tertix Ætatis, usque ad annum 1631. quo tempore dictus Aguccius de illa scripsit esset annorum 3781., & usque ad annum 1713. in quo hæc scribo, esset annorum 3863., & juxta calculum præmissum, FELSINA fuit constructa annis 1398. ante Almam Urbem Romam, & annis 2150. ante Christum natum.

Retinuit hæc nobillima Civitas FELSINA agnomen, & Principatum, Regni Etruscorum ab ejus ædificatione, usque ad Quintam Mundi Ætatem, nempe usque ad annum Mundi 3509., & sic per cursum annorum 1563. in quibus continuata serie fuit Sedes, ac Metropolis Regum Etruscorum, qui toti Italix summa Virium, & opum potentia, usque ad hæc tempora dominati fuere.

## QUARTA ÆTAS

*Continens annos 474. quâ finem habuit Anno 3576.  
cujus Princeps fuit David.*

**I**N Quarta verò Ætate, nempe Anno Mundi 3344., & sic annis 752. ante Christum natum, in Monte Palatino à Romulo, & Remo Fratribus natis à Rea Silvia filia Numitoris, ex Virginibus Vestalibus, & ex Patre incerto, ob quod stuprum, ipsa Rea Silva viva humi sepulta occubuit; qui Numitor erat ex descendantibus Enez Teveri, & Lavinix filix Latini Regis Laurentum, Roma condita fuit, Authore d. Livio, & Anno Mundi 3509., & ab ipsa Urbe condita 165. Sub Tarquinio Prisco quinto Romanorum Rege diversæ Gallorum Gentes in Italiam transferunt, & diversas Italix partes occuparunt, ut refert idem Livius in 5. lib.; Unde à Gallis Boys Oppidum prædictum FELSINA subactum fuit, ac Etruscis ejectis, tota ejusdem Regio quæ à meridie erat contermina Rubiconi Flumini, & itidem FELSINA dicebatur, ab ipsis Gallis Boys GALLIA fuit nuncupata, & per ipsos Gallos diu habitata, Etruscis in Montes Rhetios receptis, & ipsum Oppidum non amplius FELSI-NA, sed BOYONA appellatum est, & similiter Flumen propè illud decurrens priùs FELSINUM vocatum, ab ipsis Gallis Rhenum fuit nuncupatum.

QUIN.

# QUINTA ÆTAS

*Continens Annos 520., quę finem habuit Anno Mundi  
4096. cujus Principes fuerunt Jeremias, & alii  
Sancti Propheta.*

**I**N Quinta Ætate, & etiam præcedente, inter Hebræos floruerunt plures Sancti Prophetæ, qui prædixerunt D. N. JESU CHRISTI Nativitatem, finem Legis Mosaicæ, & dispersionem Nationis Hebræorum; præsertim verò Daniel cap. 7. prædixit quatuor Regna futura, Sanctosque Dei Altissimi suscepturos fore Regnum, quod obtinebunt in seculum, & seculum seculorum. De quarto Regno prædixit, quod majus erit omnibus Regnis, & devorabit universam Terram, & conculcabit, & comminuet eam. Tria Monarchica Regna, Medorum scilicet, Persarum, & Romanorum jam diu fuerunt, & extincta sunt; Quartum verò Regnum ceterorum longè potentius, & durabilius, per secula undecim adhuc viget totius falsitatis, & abominationis complementum, cujus finem solus novit Deus.

In hac igitur Quinta Ætate, sicuti Tuscorum Regnum fuerat gloriosum, dum FELSINA illius Princeps esset, non minus tamen gloriosum fuit Regnum ipsorum Gallorum, qui Viribus, & potentia, non solum majorem Italiæ partem occuparunt, & ex ea Tuscos ejecerunt, sed etiam aded valuerunt, ut ferè Romanum tunc temporis non benè validum deleverint Imperium; quippe, ut refert idem Livius in eodem 5. libro Anno Mundi 3709., & ab Urbe condita 365. Galli, fuis Romanis, Urbem Romam, præter Capitolium, Duce Breno, ceperunt, prædarunt, & incendierunt, aded ut Romani in desperationem acti, duxerint ad Vejos migrandum esse, quod, & fecissent, nisi intercessisset

**Fur.** Camilli prudentia, ideoque Romani in odium Gallorum taliter exarserunt, ut nunquam illud extinxerint, donec longissimis Bellis per cursum annorum 196. continuè peractis, ipsos Gallos subegerint, & in Civitates ipsis Gallis subtrañas Romanas, & Latinas deduxerint Colonias; quippe cum annis 396. Galli ibidem habitassent, usque ad completum secundum Bellum punicum, & postquam à Scipione majore Romanorum Duce Carthago subacta fuit, plurimis inter Gallos, & Romanos Bellis actis, ut refert idem Livius in lib. 33. 34. 35. & 36. Tandem Pub. Cornelius Scipio Nasica Consul Boyos victos in deditionem recepit, eosque multavit, dimidia parte agri, & de eis gloriosè triumphavit, referente eodem Livio in d. lib. 33. Romanos contra Boyos expeditionem fecisse per Tribum Sappiniam, ex qua Tribu fortasse Torrentem Sappinz decurrentem apud ipsam nostram Urbem denominationem verosimiliter suscepisse argui potest, præsertim cum ipsa Tribus habuerit Castra per multos menses contra dictos Gallos propè dictum Torrentem.

Anno autem eodem, quo Romani Pacem inierunt cum Antioco Rege Sirix, ut refert idem Livius in lib. 37. tertio Calendas Januarias BONONIAM, Latinam Coloniam, ex Sen. Conf. L. Valerius Flaccus, M. Attilius Seranus, & L. Valerius Tappus Triumviri deduxerunt. Triamillia Hominum sunt deducta, Equitibus septuagena, cæteris Colonis quinquagena Jugera sunt data. Ager captus de Gallis Boys fuerat. Galli Tuscos expulerant.

Unde Oppidum, quod priùs ab Etruscis FELSINA, & ab ipsis expulsis Boys BOYONA dicebatur, de ceterò elegantiori Vocabulo BONONIA appellatum est, anno ab Urbe condita 361., & à creatione Mundi 3905.

Horumque Gallorum Boyorum in hac Civitate nulla alia superest memoria, nisi denominatio cujusdam Vix publi-

blieꝝ, quæ vocatur *Campo de Boii*, & alius Viæ publicæ, quæ vocatur *Bigato*, quod Vocabulum fortè derivationem suscepit à specie quorundam nummorum dictorum Gallorum Boyorum, referente dicto Livio in d. lib. 37. P. Scipionem, qui triumphum obtinuit de dictis Boys, distribuisse inter suos Milites certam quantitatem Bigatorum nummorum de Spolio facto dictis Gallis Boys.

Mutinam, & Parmam eodem ferè tempore Colonia Romana deducta fuit. Binamillia Hominum in Agro, qui proximè Boyorum, ante Tuscorum fuerat. Octona Jugera Parmæ. Quina Mutinæ acceperunt, ut ex d. Livio in fine lib. 39.

At quia dubitari contingit, an Colonia Romana nobilior esset Colonia Latina, precor benignum Lectorem animadvertere primò Originem utriusque Colonie. Certum enim est Coloniam Latinam originem habere à Latino Etrusco Laurentum Rege, cujus Regnum postea denominatum fuit Latinorum propter inventionem Latinarum literarum, ut supra dictum fuit; Coloniam verò Romanam Originem habere à Romulo, qui congregavit Pastores, & Latrunculos, cum quibus Civitatem extructam, sive ampliata implevit, & per illam alios circumstantes Populos Etruscos vi oppressit, tyrannidemque exercuit, ut scripsit Orosius lib. 2. contra Paganos. Secundò. Honorem, & Pœnam quo, & qua utraque Colonia donata erat, & respectivè afficiebatur. De honore. Constat in Colonia Latina BONIAM deducta, comprehensos esse Equites, in Colonia verò Romana Parmam, & Mutinam deducta, nullos, sed ipsam summopere fuisse inferiorem, tum in quantitate, & conditione Virorum, tum in distributione Agrorum; nec mirum, quia Latina Colonia composita erat de Viris Etruscis indigenis, & originariis Italiæ, Romana verò de Gente collectitia, & vili. De Pœna verò Livius lib. 30. hæc refert —

De

*De profugis gratius, quàm de fugitivis consultum.* Nomi-  
 nis Latini, qui erant securi percussi. Romani in Crucem sub-  
 lati sunt. Ex his igitur opinor iudicium benigni Lectoris  
 futurum pro Latina Colonia; Causa autem, ob quam La-  
 tina Colonia deducta fuerit BONONIAM, & non Para-  
 mam, neque Mutinam, satis evidens videtur; nam cum  
 BONONIA, aliàs FELSINA, fuerit ab Etruscis constructa,  
 & fuerit illorum prisca Sedes, ac ab ea ipsi fuerint expulsi à  
 Gallis, equum fuit, ut Gallis expulsi, Civitas redderetur pri-  
 mæve sue Genti Etruscæ. Parmam verò, & Mutinam Co-  
 lonia Romana deducta fuit, quia non constat eas ab Etruscis  
 constructas fuisse.

Cum igitur hæc Civitas effecta fuerit Latina Colonia à  
 M. Æmilio Lepido, & C. Quintio Flaminio Coss. anno ab  
 Urbe condita 567., & ante Christum natum 185. duz Vix  
 ab hac Urbe una nempe vocata FLAMINIA, usque ad Are-  
 tium, altera Placentia ad Ariminum usque, ÆMILIA ap-  
 pellata perductæ fuerunt, deinde ab Augusto magnificis  
 Idolorum Templis, Termarumque Ædificiis pro usu publi-  
 corum Balneorum, & Accademiæ literariæ ornata fuit;  
 Et cum incendio casuali, majori ex parte consumpta fuisset,  
 Claudius Cæsar, perorante in Senatu Nerone Cæsare illam  
 restauravit, impensa ducentorum quinquaginta mille au-  
 reorum anno ab Urbe condita 806., & à Christo nato 54.,  
 quo tempore, per S. Appollinarem Ravenne Episcopum, ip-  
 sa Civitas, jam primùm Sancti Evangelii verbum feliciter  
 suscepit.

Plures Cives in hac Quinta Ætate in Litoris, & Scien-  
 tiis clari floruerunt, inter quos Caius Rusticellus Orator  
 celebris in Lingua Græca, & Latina versatus, ac mirandæ  
 fortitudinis, de quo mentionem fecit Cicero in lib. de Cla-  
 ris Oratoribus. Lucius Pomponius Comediarum Attella-  
 narum author. M. Bleisius Cotrius Philosophus, & Orator  
 facun-

facundus, ac Rufus Poeta viridi in ætate defunctus à Martiale Laudatus.

Et sicuti in Alma Urbe Mons Janiculus nuncupatus postea Tarpejus, & novissimè Capitoliū fuit, est valdè celebris, & memorabilis, Ita etiam in hac Urbe, nempe inter Ecclesiam S. Silvestri, ac Domos, & Turtim olim illorum *De Caccianemici*, ab Oriente, & publicum Archigymnasium ab Occidente, ante Viam nuncupatam de *Tosebi*, ab ipsa Latina Colonia erectum fuit quoddam Ædificium eminens vocatum Arx Tarpeja, in quo conveniebant Judices, & Jurisperiti, quod antiquissimum Tarpejæ vocabulum Collegium Notariorum loco Conventus Judicum, & Jurisperitorum medio tempore susseptum semper retinuit, & adhuc retinet in loco, ubi conveniunt DD. Corrector, & Consules, qui locus denominatur Tarpeja.

Plurima quoque Monumenta Virorum illustrium, rerumque gestarum in hac Urbe tempore Romani Imperii reperiuntur his temporibus relata à D. Co. Cæsare Josephi Malvasia Equite Patritio Bonon. in libro inscripto *Marmora Felsinea*.

Et de his quoque à doctissimo Philosopho Medico, & in aliis Scientiis versatissimo Ovidio Montalbano copiosè scriptum est in lib. inscripto *Helioscopia*, sive *il Colosso Istoric di Felsina antica*, in quo seriatim enumerat Familias Latinæ Colonie, quæ BONONIAM traductæ fuerunt anno ante Christi Nativitatem, 191., quæ Colonia Latina composita erat ex Tribubus Populi Romani, inter quas antiquiores aderant Tribus Romilia in ordine quinta, & Galeria in ordine octava, & Sabbatina de adiectis anno ab Urbe condita 369., & inter dictas Familias recenset *la Vessia*, *la Bruttia*, sive *Combruttia*, *la Rusticella*, *la Corria*, *la Lollia*, *la Guinicella*, *la Sabbatina*, *l'Asina*, sive *Asinella*, *l'Atia*, *la Peppa*, *la Roscia*. &c. Et certè in hac eadem Urbe

be extat. Via dicta *de Combrutii*, alia denominata *Galliera*, quæ ultra sexdecim mille passus se protendit ad Terram hujusmodi denominationis, ubi seculis præteritis extabat Oppidum cum Burgis valde amplum nuncupatum *Galliera*, cujus Gubernio quinque Cives præerant; & extra portam S. Donati est locus valde amplius nuncupatus *la Vettia*, & in Villa Bagnarole superioris extat alia Via ampla, & longa, quæ vocatur *Romilia*, & corruptè *Romeggia*, & jam extinctæ sunt plures Familiz, quæ agnomina della *Vettia*, *Combruttia*, *Rusticella*, & similia ferebant.

Non incongruum interim visum est hic referre memorabilem totius Imperii Romani divisionem in hac Quinta Ætate, & nempe annis 41. ante Christum natum initam in Agro Bononiensi, inter Flumen Samodiz, & alterum Lavini loco qui dicitur *Predosa*, scilicet *Zeola Predosa*, inter Æmilium Lepidum, Marcum antonium, & Octavianum Triumviros, de qua Divisione in Territorio Bononiensi sequuta, adhuc in Alma Urbe Roma refert Onuphrius Panvinus extare Lapidæum Monumentum, & ut etiam Svetonius in Vita Augusti, Florus lib. 4. cap. 6. & Dio lib. 46. unanimiter asseruere.

Similiter placuit hic inferere quoddam famigeratum Enigma ob ejus pulchritudinem pluries instauratum, positum in eodem Agro Bononiensi, & in loco nuncupato *Casarsale*, super cujus sensus explicatione quamplurium eruditorum docta elaborarunt ingenia, quod est hujusmodi tenoris.

**ÆLIA LELIA CRISPIS**

*Nec Vir, nec Mulier, nec Androgena*

*Sed omnia.*

*Nec Puella, nec Juvencis, nec Annus,*

*Nec Casta, nec Meretrix, nec Pudica,*

*Sed omnia.*

SN-



*Sublata neque Ferro, neque Fame, neque Veneno,  
Nec Igne, nec Peste,  
Sed omnibus.*

*Nec Cælo, nec Aquis, nec Terris,  
Sed ubique jacet*

**LUCIUS AGATHO PRISCUS**

*Nec Maritus, nec Amator, nec Necessarius,  
Neque merens, neque gaudens, neque fleus,  
Hanc*

*Neque Molem, neque Pyramidem, neque Sepulcrum.  
Sed omnia.*

*Scit, & nescit cui posuerit.*

Et quidem ambigendum non est hujusmodi Carmen. enigmaticum editum fuisse in seculis proximis fini dicte Quintæ Ætatis, idest post deductionem Latinæ Coloniz in hanc Urbem, quæ fuit facta prædicto anno Mundi 3905., & annis 191. ante epocam Christi, id suadente forma literarum Latinarum, & nomine Lucii Agathonis Prisci authoris ejusdem Enigmatis, super quo, licet plures ingeniosissimæ prodite fuerint explicationes; nihilominus mei tenuitate ingenii ausus sum meam quoque aperire Sententiam. Arbitratus enim sum ex dictis primis tribus verbis -- *Ælia, Lelia, Crispis*, -- deducendum esse Annagramma, quo efformato prodita sunt Tria alia totidem verba sequentia;

### **IRIS COELI ELLAPSA.**

At quia superest unica tantum litera I., quæ otiosa remanere nequit, illam censui vertendam in adverbium --*Jam*-- quod correspondet verbo --*Sublata*-- Quamobrem Enigma prædictum Iridem Cœli, jam ellapsam demonstrare puto.

**E**

**SEX-**

# SEXTA ÆTAS

*Cujus Princeps fuit, & est Sanctissimus Dominus Noster*

## REDEMPTOR JESUS CHRISTUS.

**C**UM autem Anno 4. Olimpiados 194., nempè anno 776. ab initio Olimpiadum ab Iphito instauratarum, ut refert R. P. Jo. Baptista Ricciolus in Chronologia reformatâ, reducendo enim dictos annos 776. in Olimpiades, emergunt tantùm præfatæ Olimpiades 194. in calculo quarû convenit quoque Henricus Glareanus in ejus Chronologia, propè Bethlehem in Provincia Judææ illius administratore Herode paterno genere Idumæo, & materna stirpe Arabe ab Augusto constituto, & sic, defectis Principibus Judæorum ex Tribu Judæ Phylargi, juxtâ diu ante præconizatum fuerat à Patriarca Jacob, & ab aliis Sanctis Prophetis, circa finem annorum Mundi, Dominus Noster JESUS CHRISTUS verus Deus, & verus Homo ex Sanctissima VIRGINE MARIA de stirpe David ex SPIRITU SANCTO Conceptus anno 42. Imperii Octaviani Augusti, juxtâ Chronologiam Riccioli prædicti, nasci dignatus fuerit, et Redemptionem totius Generis Humani sævissima morte sub Pontio Pilato Romanorum Præside apud Hierusalem impleverit, à die illius Sacratissimi ortus sequuti die 25. Decembris anno Mundi 4095., & ab Urbe condita 752. incohavit Sexta Ætas præcipua Christianorum Era, quæ Sexta Ætas à Divo Augustino assimilatur Senectuti: Olimpias prima, cœpit annis 24. ante Urbem conditam, & sic anno Mundi 3320., & cum dictæ Olimpiades 194. constituent annos 776., quibus addendo dictos annos 3320. emergunt anni 4095. in quibus incohavit Era vulgaris Christi.

Bea-

Beatissimus Petrus Apostolorum ejusdem D. N. JESU CHRISTI Princeps, Pontificatum obtinuit annis 34. nempe in partibus Orientis annis quinque, secundum Hieronymum; in Antiochia annis septem, & in Alma Urbe Roma annis 22. ad quam Urbem Claudio Romanum Imperium obtinente ab Antiochia accessit cum Discipulis, inter quos aderat Appolinaris Antiochenus, unus ex 72. Discipulis Christi, qui à prædicto Divo Petro anno 44. consecratus fuit Episcopus Ravennæ, eoque missus ad prædicandum Christi Evangelium, & à dicto Sancto Appolinare paulò post à Ravennatibus, plagis, & contumeliis affecto, & in exilium acto, ac in Æmilia Regione prius FELSINA denominata, palam Christi Fidem exponente in hac Civitate BONONIAE primum Sancti Evangelii verbum habitum fuit, ut asserit Ricciolus in dicta ejus Chronologia, in Catalogo 18. Episcoporum Bononiensium, & cum Filiam Rufini Viri illustris, & Patritii defunctam signo Sanctæ Crucis ad vitam revocaverit, Tota Familia ipsius Rufini, & aliqui Incolæ hujus Urbis S. Evangelium feliciter susceperunt, & illa pars Civitatis, quæ primitus Evangelio credidit, in publica Via erexit Signum Sanctæ Crucis, & processu temporis, Deoque favente, tota Civitas S. Evangelium amplexa fuit, & sic in quatuor Viis principalioribus ejusdem Civitatis erectæ fuerunt quatuor Cruces, postmodum in formam Sacellorum redactæ, & inde quatuor Consortia Præbyterorum dicta Sacella, & Ecclesiam Bononien. tunc rexerunt, quæ Cruces, & Consortia his temporibus adhuc extant, & primævam denominationem, & formam retinent, nempe *la Croce, e Consortio di Porta Ravennana, la Croce, e Consortio di Porta Piera, la Croce, e Consortio di Porta Stiera, la Croce, e Consortio di Porta Procula.* Ex quo patet hanc Civitatem ferè contemporaneè cum Alma Urbe Roma S. Christi Evangelium amplexam fuisse.

de, eanique fore ex primis Italicæ Civitatibus, quibus lumen S. Catholicæ Fidei donatum fuerit; sic disponente Divina Providentia, quia Cives exemplò, & non cunctanter ipsam S. Fidem amplexi fuerunt, & constanter retinuerunt, & numquam Deo faventè ab ea defecerunt.

Et sicuti per Divum Appollinarem hæc Civitas primum lumen S. Catholicæ Fidei recepit, ita etiam in perenne grati animi Monumentum, eundem S. Appollinarem Cives in Patronum sibi elegerunt, Ecclesiamque illi dicarunt, quæ Ecclesia erat in Curia Palatii Communis Bononiæ, & anno Christi 1250. diruta remansit, ut de existentia, & everione dictæ Ecclesiæ refert Fr. Leander de Albertis Ordinis Prædicatorum in primo lib. Decad. Histor. Bonon.

Ordinatus fuit primus Episcopus Bononiæ S. Zama per S. Dionysium Papam, & Martyrem, qui Pontificatum assumpsit anno 260., & obiit anno 271.; Unde patet, quod Ecclesia BONON. fuit sine Episcopo, usque ad hæc tempora, & quod antea, ipsa regebatur per Consortiales Presbyteros, ut supra dictum est.

Sub Diocletiano, & Maximiano, cognomento *Hercules*, Imperatoribus, furente in Christi fideles persecutione anno 296. vel circa, martyrio coronati fuerunt Bononiæ *Hermes*, *Aggæus*, & *Cajus* Cives illius, quorum beata corpora ferris condita esse in media Via modò dicta *di S. Vitale*, in loco, ubi nunc est, & olim erectum fuit à Nobili Familia de Sabbatinis quoddam Sacellum ex opposito Ecclesiæ Sancto. Vitalis, & Agricolarum, ut indicat Lapis in pariete exteriori ejusdem Sacelli, dictorumque Sanctorum Martyrum festum celebratur die 4. Januarii.

Qui tres Cives, & Martyres fuerunt Primitivæ, sive Primum Holocaustum oblatum D. O. M. numero Ternario perfectionem significante, nempe Constantiam Civium in Fide

Fide Catholica, à qua Divina Majestatis speciali dono, nunquam defecerunt. Sub eodem Maximiano Marino ejus Bononiz Præfeto, Martyrii corona redimitus fuit Proculus Miles Bonon. qui extra Portam S. Mamæ in loco denominato *Valverde* Caput eidem obtruncatum propriis manibus suscipiens, & versus Civitatem remeans, prope mœnia stetit, ubi ad ejus honorem, ac talis, & tanti prodigii Monumentum, erectum fuit Templum, in quo ejus Corpus reconditum fuit, & ubi etiam præfenti tempore conservatur, ac Fideles illud venerantur in Capella DD. Comitum de Insulanis, ejusque dies festus celebratur die prima Junii.

S. Faustianus Bonon. secundus Episc. successit Sancto Zamæ, Imperantibus supradictis Diocletiano, & Maximiano, qui S. Episcopus hanc Ecclesiam persecutione vexatam verbo prædicationis firmavit, & auxit, ejusque festum celebratur die 24. Januarii. Galerius, & Constantio Imperantibus circa annum Christi 298. Vitalis, & Agricola Cives Bononiz, quorum prior posterioris erat servus, Martyrii laureola redimiti fuerunt, quorum Sanctorum Corporum translationi, quæ facta fuit illinc ad 90. annos circiter, interfuit Divus Ambrosius Mediolani Episcopus, qui illa cum Ligno Crucis, & Clavis quibus Agricola crucifixus fuit, collocavit sub Sacri Altaribus in Ecclesia eisdem Sanctis Martyribus dicata, & constructa impensis S. Julianæ Vidug, & consecrata ab eod. S. Ambrosio, quæ veneranda Corpora, deinde per S. Petronium Bononiz Episcopum fuerunt translata in aliam Ecclesiam propinquam Divo Stephano dicatam, ubi etiam nunc venerandæ eorundem Reliquiæ, pro majori parte, publicæ Fidelium adorationi servantur, & de iis annua festivitas habetur die 4. Novembris.

Circa tempora Imperii dictorum Galerii, & Constantii,

iii, Florianus Miles cum quadraginta Sociis, in Civitate Eleutheropolis Palestinae, propter Christi testimonium, occisus fuit, quorum Sanctorum Martyrum corpora Divus Petronius emit à Barbaris, & Bononiam ejus Sedem Episcopalem transtulit, illaque condidit in d. Ecclesia Sancti Stephani, ubi adhuc venerationi Fidelium sunt exposita; Et cum Cives ab immemorabili, inter tot dictos Martyres Socios unicum S. Florianum in Patronum elegerint, ejusque beatum Corpus separatim condiderint subtus Altare ad instar Montis Calvarii erectum in eadem Ecclesia Sancti Stephani, argui licet ipsum S. Florianum fuisse Civem Bononien., cujus festum agitur die 16. Decembris.

Constantinus Magnus, post mortem Constantii Cæsaris ejus Patris, qui nominabatur *Costanzo Claro*, renunciatus fuit Imperator in Britannia anno 3. Olimpiadis 271. hic gloriosus Imperator summopere propagavit Fidem Catholicam, templaque Idolorum subvertit, eoque vivente, Indi, & Iberi S. Evangelium susceperunt, ac ipso jubente, celebrata fuit Sacrosancta Synodus Niczna contra Arium Hæresiarcam, & ejus Sequaces, quia alia quamplura mirabilia operatus fuit favore Catholicæ Ecclesiæ, obiit anno secundo Olimpiadis 278. Feliciano, & Titiano Consulibus, ut ex Socratis histor. Eccles. lib. 1. cap. 40.

S. Basilus successit Sancto Faustiniانو in Episcopatu, qui ordinatus fuit à S. Silvestro Papa sub Constantino Magno circa annum Christi 330. ejusque festivitas habetur die 6. Martii.

S. Eusebius contemporaneus, & Amicus Sancti Ambrosii, successit dicto S. Basilio in Episcopatu circa annum 376., qui interfuit Synodo Aquilejæ contra Arianos; consecravit Ecclesiam S. Proculi, & aliam Sanctor. Vitalis, & Agricola in Via S. Vitalis, ac Capellam Sanctor. Hermetis, Aggzi, & Caji Martyrum in d. Via ejusque festum colitur die 16. Septembris.

Theo-

Theodosius nobili genere in Hispaniis natus anno 341. à Gratiano cum Juniore Valentiniano Imperante, Cæsar renuntiatus fuit anno 385. Jam pridem etiam ante designationem Gratiani dignus Imperio ab omnibus fuerat judicatus, propter multa in bello strenuè gesta ad comprimendam Barbarorum audaciam, qui tunc Imperium perturbabant; fuit autem electus Sirmii in Illirico sub Consulatu Ausonii, & Olibrii, Damasus Summo Pontifice, qui Liberio successerat; Novus itaque Imperator Theodosius fuit summæ Religionis, & fidelissimus Ecclesiæ Catholicæ, & ejus singularem pietatem S. Augustinus summopere commendat, constat enim miraculosè Divino auxilio profligasse innumeros Barbaros, Tempia Idolorum subverti fecisse, & humiliter se habuisse in correctione ei facta per Divum Ambrosium, ob stragem Thessaloniciæ, hodie nuncupatæ Salonicum, ipso jubente secutam ob gravissimam in dictâ Urbe exortam seditionem; unde fabulosam prorsus esse quorundam Scriptorum relationem asserentium hujusmodi stragem secutam fuisse de Civibus Bononiæ, & ipsam Urbem de ejusdem Theodosii mandato eversum fuisse quadam à se ficta causa, compertum pro certo habetur ex Histor. Ecclesiastica Sozomeni lib. 7. cap. 25. vixit hic gloriosus Imperator annis 60. Imperavit annis 16. mens. octo; obiit Mediolani ante diem 16. Calen. Januarias Olibrio, & Probino Consulibus anno primo Olimpiadis 294., scilicet anno Christi 401. Damasus Catholicam Ecclesiam Regente. Qui Imperator fuit Avus Paternus Theodosii Junioris, de quo infra fiet mentio.

Imperante igitur dicto Theodosio, vixit Bononiæ Sancta Juliana Vidua, Divi Petronii Probi Bononiæ Episcopi Amita, ac Soror Olibrii, & Probini, sub quorum Consulatu obiit dict. Theodosius, ac Sexti Petronii Probi Patris ejusdem Sancti Petronii. Nupta fuit in Etruria, & effecta.

Vidua, cum Filiis, & Familia Bononiæ domicilium sibi elegit apud Sepulcrum Sanctorum Martyrum Hermetis, Aggai, & Cay, cumque Divus Ambrosius Bononię moram trahens invenisset corpora Sanctorum Martyrum Vitalis, & Agricolę, ipsa piissima Vidua in honorem dictorum Martyrum proprio ære construi fecit Templum propè Cœmeterium Hebræorum, in quo dicta Sancta Corpora reperta fuere, qui locus tunc erat extra, & prope Civitatem, & nunc etiam supra Portam majorem d. Ecclesię extant in Lapide Imagines sculptę dictorum duorum Sanctorum Martyrum, in quarum medio est imago S. Ambrosii, quod Templum in præsentem est de Septem Ecclesiis Basilicę Sancti Stephani; Domus verò habitationis dictę Sanctę Viduę Julianę conversa fuit in Ecclesiam similiter dicatam eisdem Sanctis Martyribus in Via nuncupata S. Vitalis, cum autem dicta Sancta Vidua, post ejus obitum fuerit in Sanctorum numerum relata, majores nostri in ejus honorem Ecclesiam erexerunt extra Civitatem, & Ego qui hæc scribo, vidi in Camplonis Abbatis Sancti Stephani ab anno 1400. continentibus Vias Civitatis, in quibus extant AEdificia subiecta directio dominio dictę Abbatis, fieri mentionem Viz Sanctę Julianę, quę ducebat ad Ecclesiam eidem Sanctę Viduę dicatam, quę Via modò denominatur, *Braina di Fiacchilello*, illiusque beatum Corpus conditum fuit in dicta Ecclesia per ipsam viventem constructa, & à S. Ambrosio consecrata, & illinc fuit postmodum translatum in Capellam olim DD. de Leonoriis, nunc Nobilium DD. de Banciis, quorum impensa die 7. Februarii quotannis celebratur illius dies festus.

Anno autem 397. obiit Mediolani S. Ambrosius ejusdem Urbis Episcopus, qui fugiens Arianorum insidias, Bononiam se recepit, & invenit dicta Sancta Corpora Vitalis, & Agricolę. Plures Virgines Bononinse à S. Eusebio



sebio nostro Episcopo Mediolanum transmissas velavit, ac laudibus melliflui oris sui in scriptis extulit; & quia hanc Civitatem; & Cives ejus singulariter diligebat, post antedictam Tessalonica stragem, timens hanc Urbem aliquando in simile infortunium incidere posse, Anathematizavit quoscumque Reges, & Potentes, qui manu armata hanc Urbem intrarent; hujusmodique Anathematis Exemplar affigi fecit ad Mœnia exteriora Civitatis ejusdem, & hinc fortè Originem surripuit fabulosa relatio, quod hæc Civitas fuerit everfa à dicto Theodosio, quod factum omninò erroneum fore ex Hist. Sozom. supra relata pro certo liquet, & propter hæc, & alia plura beneficia, post gloriosam mortem ejusdem Divi Ambrosii, Majores nostri illum sibi in Patronum elegerunt, Templumque extra Urbem ad ejus honorem erexerunt, & un Patrono aliud Templum cum Turri, & Curia dicarunt intra Civitatem in loco tunc nuncupato *la Corte di S. Ambrogio*; quod Templum cum Curia, & Turri anno 1390. dirutum fuit, occasione novam per insignem construendi Basilicam Divo Petronio dicatam.

At quia dissimulari non potest, Bononiam, & alias circumstantes Urbes multorum annorum curriculo, & usque ad tempora Theodosii Junioris, taliter consumptas extitisse, ut idem S. Episcopus Ambrosius non dubitaverit eas vocare Cadavera potius, quàm Urbes, nullus tamen id conjicere potest evenisse factò Theodosii Senioris, sed potius Constantini Magni; qui fortè Bononiam, Mutinam, aliasque Urbes circumstantes deturbari fecerit, eo quia adhæserint Maxentio Maximiani Herculei filio, qui eodem vivente, Imperium arripere ausus fuit, & Tirannidem exercuit, & certè Bononienses eidem Maxentio valde favorunt, nam Columnam in ejus honorem erexerunt, cujus fragmentum, etiam nunc reperitur in Palatio DD. March. de Bologninis.

S. Felix origine Mediolanensis, Discipulus, & Diaconus S. Ambrosii, successit Sancto Eusebio in Episcopatu hujus Ecclesię, concessitque S. Paulino Episcopo Nolano partem Sanctorum Corporum Proculi, Vitalis, & Agricolę, ac dono obtinuit Monasterium S. Marię Montis Palensis vulgariter nuncupatum *Montovallo*, & obiit anno Christi 429., ejusque anniversarium festum recurrit die 4. Decembris.

Qui omnes Sancti Episcopi Bononię, usque ad hæc tempora, Sedem Episcop. habuerunt apud Ecclesiam Sanctorum Naboris, & Felicis, quę tunc erat extra Civitatem ad Occidentem.

S. Petronius Filius Sex. Petronii Probi Annicii ex Præfectis Prætorii, & ex Consulibus ordinariis, ordinisque Procerum, & Domicellorum Romanorum, & Constantinopolitan. successit in Episcopatu Sancto Felici; nam anno Christi 430. monitu S. Petri Apostolorum Principis, à Cęlestino Pontifice Romano hujus nominis Primo consecratus fuit Bononię Episcopus, Vir quidem Sanctę vitę ab ejus infantia, ac valdè doctus, fertur enim ipsum composuisse Vitę Sanctorum Patrum, & Opusculum de Ordinatione Episcopi; Sed quisnam narrare poterit Pietatem, Charitatem, ac Virtutem tanti Viri, ac innumera beneficia erga hanc Urbem, & Cives ejus?

A Præfectura Prætorii Sacratissimi, & Piissimi Imperatoris Theodosii Junioris miraculosè translatus ad Regimen hujus Ecclesię, elegit pro sua Episcopali Sede Ecclesiam ab Amita suā S. Juliana ædificatam, ac dicatam dictis Sanctis Martyribus Vitali, & Agricolę, & à S. Ambrosio consecratam, in qua condita erant beata Corpora dd. Sāctor. Martyrum, & d. Sanctę Julianę, tunc positam extra Civitatem ad Orientem, quam Ecclesiam ipse dicavit Principibus Apostolorum, ibique alias sex construxit Ecclesias sub  
invo-

invocatione S. Stephani Protomartyris, & aliorum Sancto-  
rum, ac Doctrina, & frequenti prædicatione à Civium cor-  
dibus fugavit reliquias erroris Arit, & ut in eisdem Civi-  
bus pietatem erga Deum infereret, in medio dictarum Ec-  
clesiarum erexit locum, & Altare ad similitudinem Montis  
Calvarii, & subtus illud, posuit exactissimum Exemplar  
Sepulcri Sanctissimi REDEMPTORIS Nostri, Columnam,  
Atria, Cœnaculum, & alia Sanctorum Locorum Exempla-  
ria, ut jugis foret nostræ Redemptionis, & ipsius Divini  
REDEMPTORIS memoria; unde per secula subsequen-  
tia, dictæ Septem Ecclesiæ, quæ invicem sunt conjunctæ, de-  
nominatæ fuerunt Hierusalem, quia ab ipso S. Episcopo  
fuerunt donatæ plurimis, & insignibus Sanctorum Reli-  
quiis, & spiritualibus Thesauris à dicto Cælestino Primo ob-  
tentis; & ultra Basilicam dd. Ecclesiarum, in aliis partibus  
etiam hujus Civitatis construi fecit d. S. Episcopus plura alia  
Templa, videlicet in parva distantia à dicta Basilica duas  
Ecclesias, unam S. Teclæ Protomartyri in Via ab eo denomi-  
nata *Valle di Giofatto*, ubi etiam separatim erexit Cru-  
cem, quæ ædificia, etiam nunc conservantur; alteram pa-  
rum distantem Sancto Joanni Evange. itæ dicavit in loco ab  
eo nominato *Monte Oliveto*, & nunc dicto *S. Gio. in Mon-  
te*. Ad Portam Ravennatem duo Templa, unum Divo Bar-  
tholomæo Apostolo, alterum Divo Marco Evangelistæ. In  
Via Castilionæa alia duo, unum scilicet Divæ Agathæ V.,  
& M.; alterum Divæ Lucæ pariter V., & M. Ad Portam  
Soteram, sive *Steriam* alia duo, unum Sanctis Martyribus  
Fabiano, & Sebastiano, alterum Sanctis Martyribus Ger-  
vasio, & Protasio, & insuper in Via vocata *Barbaria* ad Por-  
tam Proculam duas ædificavit Ecclesias, unam Divo Mar-  
tino Episcopo, & Confessori, alteram Divo Barbatiano  
Confessori, qui Ravennæ, ipso Petronio hanc Ecclesiam  
regente, miraculis clarus anno Christi 444. ad Cælum mi-

gravit ; Ex quibus comprehenditur expressus piissimi Antistitis animus commendandi Civitatem hanc, & Cives incolas tutelæ, & patrocínio Sanctorum Apostolorum, Evangelistarum, Virginum, Martyrum, & Confessorum Cœlestis Hierusalem.

Restauravit quoque Capellas quatuor Crucium, illasque ornavit Sanctorum Reliquiis; Nec tamen hic finis pietatis tanti Viri; quippe cum invenerit hanc Urbem ferè totam eversam, propter Incendia, & Barbarorum prædationes, sive jussu Constantini Magni, propter favorem à Bononiensibus præstitum Maxentio Tyranno, sive ob aliam causam, quam non expressit Divus Ambrosius, qui hanc Urbem pluries habitavit, sed tantùm eam assimilavit Cadaveri, ipse S. Episcopus Petronius obtinuit à piissimo, & nunquam satis Laudato Imperatore Theodosio Juniore illius reedificationem, & ampliacionem, quæ fuit facta per eundem Theodosium intuitu ejusdem Sancti Petronii, qui Imperialibus Censibus, & etiam proprio ejusdem S. Episcopi Ære spiritali, & temporali Regimen hujus Urbis habentis, illam reedificavit, & ampliavit, usque ad illa antiqua Confinia, quorum aliqua etiam nunc existunt nuncupata *Serragli, e Torresotti*; & sic restauratam, & ampliata[m] idem Theodosius decoravit admodum insigni Privilegio universalis Studii literarii, cujus Exemplar habetur in Archivo Cameræ Communis Bonon., ac alibi, & hinc ipsa Civitas MATRIS STUDIORUM gloriosum Agnomen adepta est, per universum Terrarum Orbem illo celebri Axiomate, undequaque illustrata — BONONIA DOCET.

Demùm S. Episcopus amantissimus Pastor, Princeps, ac Pater hujus Urbis, miraculis clarus in sua Sede Episcopali ad Cœlum migravit dicto Theodosio, & Valentiniano Regnantibus, ejusque beatum Corpus conditum fuit in eodem Monumento, quo conditum erat Corpus S. Floriani sub-

tus

tus Altare Montis Calvarii; & cum fuerit in Sanctorum numerum relatus, Majores nostri meritò illum in principalem Patronum cooptarunt, ac Templum ad ejus honorem erexerunt extra Urbem, quod fuit in loco, ubi nunc extat Via publica nuncupata *di S. Petronio Vecchio*, sub parœcia S. Blasii, quod Templum anno 1260. per Commune Bononiz fuit concessum RR. Fratribus Conventualibus Sanctæ Mariz Servorum, qui anno 1345. eorum Conventum ampliarunt usque ad Stratam majorem super Terreno vacuo, & quodam Monasterio olim ibidem constructo per D. Mesinam de Lambertinis eisdem Fratribus, largitione clarę memorię D. Thaddæi Pepuli tunc Bononiz Domini concessio, ubi Templum valdè magnificum erexere. Priscum verò Templum Divo Petronio dicatum, & dictis Fratribus concessum, processu temporis neglectum diruit, & illius Solum per plura secula stetit vacuum, donec anno 1500. fuit à prædictis RR. Fratribus occupatum. Aedificiis plurium domorum super eo constructis in d. Via.

De hujus Sancti Episcopi origine, sanctimonia, & operibus multi Scriptores antiqui, & moderni erudita publicarunt Monumenta; sed nuper diligentius, ac disertissimè scriptum est ab Eruditissimo Domino Co. Valerio de Zanis Equite Patritio Bononiz in Libro, cui Titulus -- *Vita di S. Petronio* -- impresso Bononiz anno 1680. in Typographia Manoleffiana, cujus Historiæ fides indubia meritò est habenda.

Anno verò Christi 450. obiit d. Theodosius Junior Arcadii filius, qui post mortem Patris obtinuit Imperium anno 414., & ortum habuit anno 406., cui Patria perenni gratitudinis vinculo devincta est, quamvis nullum prorsus tanti benemeriti Principis in hac nostra Civitate ab ipso rexdificata, ampliata, & decorata, appareat quantumvis minimum grati animi Monumentum.

Anti-

Antiquus autem ambitus hujus Urbis, antequam à prædicto Imperatore Theodosio reedificaretur, & ampliaretur, comprehendebatur, ab Oriente à Trivio Portæ Ravennatis inclusivè; usque ad Pontem *Feri*, ubi modò est Ecclesia SS. Cosmæ, & Damiani. Ab occidente à Trivio Crucis Sanctorum, usque ad Trivium Portæ Castelli. A meridie ab eodem Trivio Crucis Sanctorum, ad dictum Pontem *Feri*, & à Septentrione à dicto Trivio Portæ Castelli ad Plateolam SS. Simonis, & Judæ, & inde ad dictum Trivium Portæ Ravennatis.

Confinia verò Territorii ejusdem Civitatis à prædicto Imperatore Theodosio præscripta, & expressa in dicto ejus Privilegio publicæ Studiorum Universitatis supra memorato sunt infra scripta, nempe.

*Sicuti ab Orientali parte decurrit Sanubium, sen Senium de Alpinis nivosiss in Vallibus Padi, & in ipsa Aqua Padi; Et sicuti à Meridionali parte hac protenduntur, usque ad Alpes Sclarum; Et sicut ab Occidentali parte currit Leo de Alpibus in Scoltennam, Et sicut Scoltenna, sen Panarium defluit in Padum; Et sicut à Septentrionali, vel ab Aquilonari parte decurrit Padus, usque ad Badalenum: Præcipimus, & Volumus, & Jubemus de Districtu Bononia permanere. Hoc salvo; quòd si Ferrariola, quæ de Ducatu Comacensi consistit, ultra Padum pertransire voluerit, ei hinc ad duos annos peremptoriè liceat pertransire, & Civitatem adificare; ita tamen, quòd in ipsa Aqua Padi non liceat ei aliquod edificium Lapideum attentare; sed solùm iter præbeant securum per Aquas Padi, & in Vallibus ejusdem sine aliqua datione muneris cunctibus omnibus, & redeuntibus per Civitatem, & loca prædicta omni tempore, ob reverentiam Crucifixi, & propter Imperii Celsitudinem cognoscendam, ad quam pervinet redditus Padi Fluminis, & Aquarum; Et hoc ad postulationem Summi Pontificis Cælesti-*

*Iestini; aliòquin sub Jurisdictione, & protectione Reſloris, & Communis Bononiæ debeant permanere.*

Sub Pontificatu Vigilii, qui assumptus fuit anno 540. S. Proculus Episcopus Interamnis, jussu Totila Gothorum Regis Arianæ Sectæ primarii Fautoris capite plexus fuit Bononiæ, ejusque sacrum Corpus conditum fuit in eadem Ecclesia, & in ipsamet Urna, ubi dudum conditum fuerat Corpus alterius S. Proculi Militis Bonon., hujusque Sancti Proculi Episcopi, & Martiris festum celebratur die prima Decembris.

Anno Christi 615. obiit Bononiæ S. Isidorus Episcopus Ispalensis Ordinis S. Benedicti, qui multa Scripta reliquit, doctrina, & sententiis clara; enumerat hic S. Doctor septuaginta Sectas Hæreticorum, quæ contra Ecclesiam, usque ad illud tempus surrexerant, & damnatæ fuerant à Sanctis Patribus; hujus autem Sancti Episcopi venerandum Corpus conditum fuit, in dicta Basilica S. Stephani, ubi venerationi Fidelium, etiam nunc asservatur, ejusque dies festus celebratur die 18. Septembris.

Cum autem mihi visum sit Nativitatem, & Originem hujus Vetustissimæ, & Nobillimæ Urbis Æratum calculo, & autoritatibus præmissis satis superque, quantum Vetustas ipsa permittit, sub initio Tertii Mundi Ætatis comprobata esse, supervacaneum existimavi ulteriora notabilia ejusdem Urbis referre, tum quia copiosè de illis plures Scriptores mentionem fecere, tum, & potissimum, quia finis hujus brevis Commentarii fuit indicare tantum, ac à tenebris eruere primævam Originem ejusdem Urbis, & compendiosè describere, usque ad hæc tempora, Status illius vicissitudines.

Ex jam dictis igitur clarè constat hanc Nobillimam Civitatem fuisse Sedem, & Principem ab ejus ortu Regum Etruscorum Aboriginum in Tertia, Quarta, & partim in Quin-

Quinta Mundi Ætate, nempe usque ad annum Mundi 3509. Subactam deinde à Gallis Boys in dicta Quinta Mundi Ætate eisdem paruisse usque ad annum Mundi 3905. quo anno, Gallis expulsis, devenit Colonia Romanorum, & successivè ipsis Romanis Consulibus, & Imperatoribus, ac Italix Regibus obtemperasse, usque ad Sextam, & ultimam præsentem Ætatem; in qua post annum 407. à Christo nato (ut refert Sigonius) hæc Civitas fuit occupata à Gothis, deinde recepta à Justiniano Imperatore, & possessa à suis Successoribus, quibus paruit, quousque Luitprandus Longobardorum Rex eam occupavit anno 727. Recepta deinde fuit à Pipino Rege Caroli Magni filio, qui Carolus eam cum Exarcatu donavit Pontifici anno 817.

Ludovicus Lotharii filius hanc Urbem sibi parere reluctantem muris exiit anno 844.

Berengarius Rex fuit Bononix anno 898. Bononius Civis Bononien. ex Monachis Camaldulensibus Abbas Loceden. inter Sanctos relatus fuit, cujus festum celebratur die 30. Augusti.

Cives defecerunt ab Henrico III., & partem Ecclesiz tenentes libertatem instituerunt anno 1088.

Parisius Bononien. ex Monachis Camaldulen. Taurisii obiit, & in Sanctorum numerum fuit relatus, ejusque festum celebratur die 11. Junii.

Idem Henricus in hac Civitate Arcem construxit ad coercendam Civium contumaciam, quam Arcem paulò post Cives everterunt, eamque rem Henricus ignovit, & ut leges mores, & consuetudines suas servare illis liceret indulxit anno 1116.

Eodem anno Comitissa Methelda Neptis ejusdem, Henrici Imperatoris obiit, quam fertur edificasse Castrum Bazani, restaurasse Ecclesiam, & Monasterium S. Barthol-



lonxi de Mussilianō, & alia Oppida in Agro Bonon. ; He-  
redemque instituisse Ecclesiam Romanam.

Lambertus Fagnanus Bononiē. creatus fuit Pontifex,  
& vocatus Honorius II. anno 1120.

Cives Lotharium Regem in Italiam venientem con-  
tempserunt anno 1133.

Hæc Civitas fuit prima, quæ per Imperium Jus Civile  
in Italia publicè docuerit anno 1137.

Gherardus Caccianemicus Bonon. creatus fuit Pon-  
tifex, & vocatus Lucius II. anno 1144.

Guarinus Bononiē. Ordinis Canonorum Regula-  
rium creatus fuit Cardinalis anno eodem, qui cum esset  
Episcopus Prænestinus, post ejus mortem, in Sanctorum  
numerum fuit relatus, & ejus festum celebratur die 6. Fe-  
bruarii.

Pars Civitatis casuali incendio consumpta fuit anno  
1147.

Fridericus Rex de Statu Italix consulturus, in primis  
adhibuit Juris Consultos Bononienses anno 1158.

Per Bozum Præfectum Friderici Imperatoris explana-  
tz fuerunt foveæ, & Mœnia vetèra partis hujus Civitatis,  
nempe ab Occidente, apud Forum lignarium S. Franci-  
sci, & ab Oriente, apud Forum lignarium Stratz majoris,  
quia ampliori giro, vallo, & foveis Civitas jam aucta erat  
in Burgis ejus.

Translata fuit Imago B. V. MARIE à Divo Luca.  
Evangelista depicta ad Montem dictum *della Guardia*.  
anno 1160., ut patet ex documento publico, cujus Ori-  
ginale asservatur penes RR. Moniales S. Matthiz, & tran-  
sumptum illius reperitur descriptum in Archivo Cameræ  
Communis Bononiz in lib. 4. in Scrineo num. 43., quod  
documentum est tenoris sequentis.

*Anno Domini Millefimo Centesimo Sexagesimo die 8.*

intrante Madia. Actum in Monte de Guarda sub Heremitaico. Domine Azoline, & Beatrixia, presentibus D. Rambertino de Guezis. D. Marchaxino Ottoneillas Index, D. Angelottas de Urvis, & alii plures Testes. Dominus G. Episcopus Bononia dedit, & assignavit suprascriptis Azoline, & Beatrixia unam Capsulam de ligno cum Tabula; abipicta est Imago B. MARIÆ manu B. Luce Ev., quam portavit de Constantinopoli in Civitate Bononia Theoclys Kmnia Heremita; nationis Græcus ibi præsens ad conservandam, tenendam, & custodiendam in Heremitico de Monte de Guarda pro se, & earum Successoribus in dicto Heremitico ad honorem Dei, & d. Imaginis. Prænominati Dominus Episcopus, & Theoclys Heremita hoc Instrumentum assignationis, ut supra legitur scribere rogaverunt. Ego Vitalis Bilici Dei gratia d. Domini Episcopi Notarius interfui, & hanc Cartam Instrumenti consignationis rogatus scribere scripsi, & sigillavi cum Sigillo d. Domini Episcopi Indictione Octava 1060. 1061. 1062. 1063. 1064. 1065. 1066. 1067. 1068. 1069. 1070.

Cives, & Artifices, deposito Jugo Imperatoris, & Episcopi, libertatis avidi, præfecerunt Regimini Civitatis septem Viros, quos Consules vocantur anno 1174. Hildebrandus Grassius Bonon. S. R. E. Card. Diaconus, creatus ab Eugenio III., fuit Episcopus Mutinæ, & ejus opera, mita fuit Pax inter Bononien., & Mutinen. Obiit Vincentiæ cum esset Legatus S. Sedis Apostolicæ anno 1178.

Fridericus Imperator fuit Bononiæ anno 1185. Henricus V. Rex fuit Bononiæ hospitio exceptus in Episcopio, & Jus cudendæ Monetæ Civitati concessit anno 1191. quod Jus antea, Regnante Desiderio Longobardorum Reg., ipsam Civitatem jamdiu habuisse pro certo constat. In societate Exercitus Ecclesiæ, Cives recuperaverunt Romandiolam anno 1198.

Ædi-

Ædificium Palatii Veteris Commun. Bononiz re-  
 edificatum, & exornatum fuit, ubi nunc habitant Prætor,  
 & Auditores Rote anno 1201, in quo Palatio Consilium  
 pro Gubernio Reipublice Majores nostri habuerunt.

Constructa fuerunt Mœnia super foveis ab Oriente,  
 & Occidente anno 1206.

Factus fuit Aquæductus à Flumine Rheni ad Civita-  
 tem, & constructa fuerunt nonnulla Molendina super illo  
 propè ipsam Civitatem anno 1208.

Mercatum Animalium translatum fuit penes Civita-  
 tem ad Septentrionem, ubi nunc est, cum priùs fuisset  
 ad Flumen Rheni in contrata S. Bartholi, loco nunc vo-  
 cato *da S. Bartolemeo di Reno*, & facta fuerunt Molendi-  
 na, apud dictum Mercatum, ubi nunc sunt, anno 1219.

Pro Residentia Fratrum Minorum Sancti Francisci,  
 Cives ceperunt Ecclesiam, & Conventum, apud Forum  
 lignarium ad Occidentem, quibus Fratribus ante hoc  
 tempus concessa fuerat Residentia in loco dicto *de Ruglie-  
 le*, ubi nunc degunt Moniales Sanctorum Bernardini, &  
 Marthæ, ibique adest Sacellum, in quo S. Antonius Patet  
 vivus degebat anno 1220.

Eodem anno obiit Bononiz S. Dominicus Calaro-  
 genis Fundator Ordinis Prædicatorum, Astrum splendi-  
 dissimum in Ecclesia Dei, malleusque Hæreticorum Albi-  
 gensium, ejusque sanctum Corpus conditum fuit cum  
 maxima solemnitate, & Populi frequentia in Ecclesia San-  
 cti Nicolai *dalle Vigne*, quæ Ecclesia, & locus per Com-  
 mune Bononiæ, eidem B. Dominico pro Residentia Fra-  
 trum ejus Ordinis, plures ante annos concessus fuerat, &  
 ubi dictus B. Dominicus vivens construere ceperat Eccle-  
 siam, & Conventum pro Residentia ejus Fratrum, qui pri-  
 mùm possederant Ecclesiam S. MARIE de Mascherella,  
 ac talis fuit Populi concursus ad Sepulcrum dicti B. Do-

minici, & tam longo tempore, ut quædam Via, quæ ducit ad dictam Ecclesiam, etiam de præfenti vocatur *la Via del Santo*, cujus dies festus celebratur 4. Augusti.

S. Franciscus de Assisio Fundator Ordinis Minorum, fuit Bononiz, & in Plateis fecit verbum Populo anno 1223: sed brevissima mora, ob magnificentiam novi Templi, & Conventus, ejus Angelicæ Humilitati non consentaneam; In ipso enim Seraphico Viro emicabat perfectio Vitæ Apostolicæ, nempe humilitatis, paupertatis, & charitatis, unde jure merito vocari meruit verus Discipulus, & exemplar Sanctissimi REDEMPTORIS, dum ejus Mater illum parere nequivit, nisi in Stabulo; Duodecim Fratres sub initio Ordinis habuit suarum Virtutum Æmulatores, quorum tamen unus laqueo se suspendit ad similitudinem Apostolorum Christi, & quia demum ante felicem ejus obitum meruit donari Sacris Stigmatibus ejusdem Sanctissimi REDEMPTORIS nostri.

Anno 1226. cum Populus valdè excrevisset, ambitusque Civitatis veteris, & novæ illum non caperet, ampliori giro ipsam Civitatem in omnibus partibus Cives ambierunt, & Suburbia foveis cinxerunt, quin anno altero ipsas foveas valido palancato vallarunt.

Cæptum fuit Ædificium Palatii novi Communis Bononiz, apud domos illorum de Lambertatis, ubi nunc resident Eminentissimus Card. Legatus, Illustrissimus, & Excelsus Senatus, ac Regimen anno 1246.

Anno 1249. cum Cives Viribus, & amplitudine Populi, ac Opibus pollentes Imperatori Federico II. obtemperare abnuerent, immò Mutinam Imperio parentem, & Imperii Viribus confidentem bellis assiduissimis fatigarent, idem Federicus Henricum Sardiniz Regem ejus filium, Henricum nuncupat. in subsidium Mutinensium, & ad coercedam Bononiensium audaciam transmisit, quem Regem

cum

cum valido, & potenti Exercitu hanc Urbem invadere nitentem Gloriosi Majores nostri, apud Pontem S. Ambrosii in finibus Agri Mutinensi, viriliter occurrentes, fuso ejus Exercitu, Antonius Lambertatus Civis noster strenuus captivum fecit, illumque cum pluribus suis Principibus, & Optimatibus etiam Italicis ad ejus auxilium accitis, Bononiam duxit, quem Regem sic captivum, Annis plusquam duobus, & viginti in Prætorio Bononiæ, spretis Viribus, & Imperii potentia, usque ad ejus obitum, honestâ custodia Cives manciparunt in Aula antedicti Prætorii, ipsius Regis Hentii adhuc cognomine insignita.

Anno 1255, facta fuit electio primi Capitanei, & Prætoris Bononiæ, qui planas fecit foveas antiquas Civitatis, propter novum ambitum.

Anno 1257. Manumissi fuerunt omnes Servi, & Ancillæ Civitatis, & Comitatus Bononiæ, ut in lib. nuncupat. *Paradisus*, qui asservatur in Archivo Cam. Com. Bonon.

Anno 1271. obiit Rex Hentius, & honore Regio illius Cadaver conditum fuit in Templo Divi Dominici.

Cum autem inter Cives, & quidem nobiliores, discordia orta fuerit privatis emulationibus agitata, cum tunc temporis, per totam ferè Italiam ob scandalum Imperatoris Friderici II. contumacis, & inimici Ecclesiæ, duæ Factiones surrexerint tenentes altera partem Ecclesiæ, & altera partem dicti Friderici, Ita etiam in hac Urbè Familia Lambertatorum partem Imperii sustinere conabatur, Familia verò Hieremiensium è contra partem Ecclesiæ, Et cum hujusmodi Familiæ essent ex nobilioribus, & potentioribus Civitatis, in eandem discordiam traxerunt ferè universos Cives, & qui tenebant partem Imperii dicebantur Ghibellini, qui verò partem Ecclesiæ vocabantur Anguelphi; unde effectum est quod anno 1274. cujusdam

De-

Decreti causa, ortum fuit Bellum civile, quod totam Rem publicam agitavit, & subvertit. Pugnatum, enim fuit atrocissimè inter Cives, diebus sexaginta continuatis Ferro, Igne, & Machinis; multi perempti, ædes plurimæ incensæ; tandem Pars Lambertatorum terga dare compulsa est, & Patriam deferere. Exilio multati fuerunt Duo, decim millia Virorum Factionis Ghibellinorum, hujusmodique computum habetur in Commentariis d. temporis apud pub. Archivum, in quibus Commentariis seriatim, per paræcias nomina, & cognomina proscriptorum Ghibellinorum exprimuntur; Nec tamen hic finis malorum; Nam præfati exules, cum se receperint in Civitates Flaminie, & auxilium Optimatum circumstantium eorum Factioni adhærentium obtinuerint, aded bellis, incursionibus, & stragibus Commune, & Territorium Bononiæ fatigarunt; ut ipsi Cives non confidentes propriis Viribus, se cum Ecclesia conjunxerunt, & cum auxilio prædicto, Exules præfati penitus deleti fuerunt, in quo Bello, non sine dolo interemptus fuit Faventiæ dictus Antonius Lambertatus Civis strenuus, qui captivum fecit Regem Henricum, propter quam Victoriam, ex parte Hierémensium reportatam contra dictos Concives Lambertatos, ex Sen. Cons. quotannis die festo S. Bartholomæi Apostoli in Foro magno hujus Urbis agitur Populare Ludicum; Sed prohi pudor! dum ex tam atroci tot Civium cede, majori ex parte Civitas ipsa consumpta exitit; unde potius cum fletu, & lacrimis, quàm aliter esset tale, ac tantum excidium deplorandum, & memorandum, cum ipsa Civitas post Bellum civile prædictum, ad pristinam Populi amplitudinem, Civium Nobilitatem, Virium potentiam, ac Libertatis gloriam non valuit amplius pervenire.

Attamen, ô felix, & Gloriosa Patria, quæ tot, ac tantis Cœlestibus beneficiis donata fuisti. Ab incunabulis enim

per

per annos mille quingentos, & ultra, cum Princeps Etruriz  
 esses, Regia Majestate perfulsisti. A Gallis in societatem  
 recepta, gloriose de Alma Urbe Roma capta, & incensa, tri-  
 umphasti: Effecta postmodum Romanorum Latina Colo-  
 nia, à Consulibus, & Imperatoribus ornata fuisti. Cum lu-  
 men Catholice Fidei per os Appollinaris S. Ravennæ Epis-  
 copi, tibi effulset, non cunctanter, sed extemplo ipsam S. Fi-  
 dem recepisti, ac ab ea nunquam defecisti. A Divo Ambro-  
 sio singulariter dilecta, & protecta, Petronio Principe, &  
 Patre amantissimo de Cælo donata fuisti. A Theodosio II.  
 privative quoad Universas totius Imperii Orientalis, &  
 Occidentalis, etiam amplissimas Civitates, per insigni Studii  
 Literarii Privilegio decorata, semper fidelissima Ecclesie ex-  
 titisti, itaut pro ea tutanda propriis tuis filiis Factionis Ghi-  
 belline non pepercisti; unde peculiarem SS. VIRGINIS  
 MARIE tutelam, & patrocinium meruisti, dum ejus S.  
 Imaginem à Divo Luca depictam, à Constantinopoli huc  
 miraculose translata, super tuo Monte de Guarda colloca-  
 ri, & servari disposuit; Quapropter Cives tui Divino as-  
 flati spiritu, ad tollendas Concivium zulationes, Te, & Se  
 Ecclesiasticæ Majestati, & Patrocinio feliciter commenda-  
 runt, sub quo à multis seculis quietè, & pacifice vivis: Pa-  
 tria mea igitur semper Gloriosa, quousque majorum tuo-  
 rum Pietatem erga Deum, & Sanctissimam Virginem, San-  
 ctosque antiquos, & modernos per Te electos Patronos ser-  
 vabis, illorumque, & aliorum, quorum beata Corpora in  
 Te quiescunt venerationem, & cultum promovebis, pro-  
 certo habeas Divinam Opem, tranquillum, & pacificum  
 Statum, ac Vetustissimam Tui Gloriam unquam fore defu-  
 turam.

Expletum fuit hoc breve Commentarium SS. D. N. D.  
 Clemente XI. Pont. Opt. Max. ex vetustissima Albanorum  
 progenie feliciter Regnante Anno Pontific. ejusd. XIII.

*LAUS DEO.*

*Vidit D. Augustinus Maria Alferi Cler. Regular. S. Pauli,  
& in Ecclesia Metropolitana Bononia Pœnitentiarius Rector  
pro Eminentissimo, & Reverendissimo Domino D. Jacobo  
Cardinali Boncompagno Archiepiscopo Bononia, & S. R. I.  
Principe.*

*Jussu Reverendissimi P. Inquisitoris, Ego infra scriptus vidi,  
& attente perlegi laboriosam hanc, nec minus ingeniosam  
Disquisitionem, in qua Auctor Patriæ suæ amantissimus Ci-  
vis veram Bononiæ ORIGINEM hucusque incertam, cla-  
rissimè arguit ex Annorum Computatione constituentium,  
Ætates à Creatione Mundi, usque ad Redemptoris Adven-  
sum; Eam autem reperi omninò consonam Fidei, ab omni-  
bus antiqua Eruditionis Cultoribus plenissimè excipiendam,  
& idcirco publicis Typis donandam censeo.*

*Carolus Antonius à Fratre J. U. D. Exa-  
minator Synodalis, & Perinsignis Basi-  
licæ Collegiatæ S. Petronii Canoni-  
cus m. p. Die 24. Augusti 1716.*

*Actenta Supradicta attestatione.*

**IMPRIMATUR.**

*Fr. Jordanus Vignalis Inquisitor Bononia.*







